

元和郡縣志卷三十六

唐 李吉甫 撰

嶺南道二

始安中都督府

開元戶二萬六千二百六十五 鄉七十五  
元和戶八千六百六十 鄉三十五

今為桂管經略使理所 州管柳州嚴州融州龔州象

案州蒙州思唐州管縣四十七  
都管戶數傳寫缺

禹貢荊州之域漢元鼎六年置零陵郡今州即零陵郡  
之始安縣也吳歸命侯甘露元年于此置始安郡屬荆

元和郡縣志 卷三十六 一

州晉屬廣州梁天監六年立桂州于蒼梧鬱林之境因

桂江以為名大同六年移于今理隋開皇十年置總管

府大業三年罷州為始安郡武德四年復為桂州總管

府七年改為都督府天寶元年改為始安郡至德元年

改為建陵郡案及則當如舊唐書有乾元元年復為桂州

之文或因各州皆天寶改郡乾元復為州已標名  
于首專敘至德改名之不同終覺未竟其委

州境東西南北一百二十八里

八到東北至上都三千七百四十五里  
東南至昭州二千三百三十五里

東南至昭州二百六十三里  
東南水路至梧州三百三十五里

東北至道州三百八十里

西南至柳州五百二十里

西北至融州四百九十里

貢賦

開元貢銀銅鏡一百四十面

案此州賦據唐六典當是柳嚴融而傳寫諸州及

管縣十

臨桂 全義 靈川 陽朔 永福 建陵

理定 慕化 永豐 荔浦

臨桂縣

上郭下

元和郡縣志

卷三十六

二

本漢始安縣屬零陵郡至德二年改為臨桂

案唐書地理志云貞

觀八年更名與此異

桂江一名灘水經縣東去縣十步楊僕平南越出零陵

下灘水即謂此也

駁鹿山一名福祿山在縣東北十五里

全義縣

中下南至州一百五十里

本漢始安縣之地武德四年分置臨源縣大曆三年改

為全義縣

越城嶠在縣北三里即五嶺之最西嶺也

湘水出縣東南八十里陽朔山下經零陵郡西十里陽

朔山即零陵山也

漢書地理志零陵郡零陵縣陽海山湘水所出後漢書郡國志零陵陽

朔山湘水出陽海山注云陽朔二志不同據水經湘水出零陵

始安縣陽海山注云陽朔二志不同據水經湘水出零陵

以後稱陽朔一山而先後殊名矣此云陽朔山即零陵

月若出入其中

故越城在縣西南五十里漢高后時遣周竈擊南越趙

佗踞險為城竈不能踰嶺即此也

靈川縣

中下西南至州六十里

元和郡縣志

卷三十六

三

龍朔二年分始安縣置東臨桂江

冷山在縣西南一百里出滑石

陽朔縣

中下北至州一百四十里

本漢始安縣地隋開皇十年分置陽朔縣取陽朔山為

名也皇朝因之

灘水在縣西二十里

永福縣

中下東北至州一百里

武德四年析始安縣之永福鄉置因以為名

白石水經縣東去縣七步

建陵縣 中下北至州三百四十里

本漢荔浦縣地吳孫氏置建陵縣梁武帝立為郡隋開皇十年廢郡仍為建陵縣後因之

建水出縣北建山南流經縣東

駱駝水在縣西七里

理定縣 中上東北至州三百里

隋仁壽初分始安縣置興安縣 案隋書地理志大業初廢興安縣地入始安其何

時復置此缺載 至德二年改為理定縣

慕化縣 中下東北至州二百二十里

元和郡縣志 卷三十六 四

武德四年析始安縣置

常安水東去縣七步

永豐縣 中下北至州二百一十里

吳甘露元年析漢荔浦縣之永豐鄉置隋開皇十年省入陽朔縣武德四年復置

荔浦縣 中下北至州二百四十七里

本漢舊縣因荔水為名屬蒼梧郡縣南有荔平關今廢吳屬始安郡隋改屬桂州武德四年于此置荔州貞觀

十二年州廢縣復屬桂州

荔江水在縣南一里

梧州 蒼梧下

開元戶一千二百九十一 鄉九  
元和戶一千八百七十一 鄉九

古越地也秦南取百越以為桂林郡秦末趙佗自立為南越王其地復屬焉漢元鼎六年平呂嘉又以其地為蒼梧郡之廣信縣領縣十自漢至陳為郡不改隋開皇十年罷郡為蒼梧縣屬靜州大業三年罷靜州復為蒼梧郡武德五年于郡置梧州

州境 東西北三百八十里

元和郡縣志

卷三十六

五

八到 西北至東都四千三百三十五里

東南南沿流至封州三百里  
正南微西至義州三百里  
西南沿流至藤州一百里  
西北至桂州六十里  
西北泝流至富州三百二十里

貢賦 開元貢 白石英二十兩

管縣三

蒼梧 戎城 孟陵

蒼梧縣 下郭上

本漢蒼梧郡廣信縣地也自漢迄陳不改隋開皇十年

罷郡于此立蒼梧縣皇朝因之

通星山在縣北六十二里漢劉曜為太守嘗澄此山仰

觀星厯因號通星山

鬱水南去縣八里

戎城縣

下東北至州二十里

本漢廣信縣地梁于此置遂城隋開皇十年虞慶則南

征屯兵于此改為戎城縣

案遂城戎城之城隋書地理志竝作成

皇朝因

之縣北臨西江水

孟陵縣

下南至州水路九十里

元和郡縣志

卷三十六

六

本漢舊縣也屬蒼梧郡

案孟陵前後漢書竝作猛陵

隋省武德四年

重置屬藤州貞觀八年改屬梧州

賀州

臨賀下

開元戶二千五百三十七  
元和戶四百四十九

鄉十  
鄉十

漢蒼梧郡地今州即蒼梧郡之臨賀縣也吳黃武五年

割蒼梧置臨賀郡賀水出州東北界西流又注臨水郡

對臨賀二水故取名焉吳屬荊州晉屬廣州隋開皇元

年以郡為賀州大業二年廢州以縣屬蒼梧郡武德五

年復置賀州

州境東西北西三百七十里

八到西北至東上都三千八百五十里

東至連州三百七十里

南至封州三百六十里

西至昭州三百一十里

西南至梧州四百一十里

貞賦開元貢 蕉布 石斛 竹布 班蛄弓 蛇膽弓 面

管縣六

臨賀 封陽 馮乘 桂嶺 蕩山 富川

臨賀縣下郭下

元和郡縣志 卷三十六 七

本漢舊縣也自漢至陳不改隋大業二年省臨賀縣入

富川縣十二年重置屬蒼梧郡武德四年改屬賀州縣

北四十里有大山山有東遊龍中二冶百姓採沙燒錫

以取利焉

臨水東去縣十步又有賀水合更名臨賀水

封陽縣下北至州一百四十五里

本漢舊縣屬蒼梧郡在封水之陽故名吳屬臨賀郡隋

屬桂州武德四年屬賀州

長林山在縣東五里

臨賀水東去縣百步

馮乘縣

下東南至州一百八十里

本漢舊縣屬蒼梧郡界內有馮溪因以爲名吳屬臨賀郡至隋不改大業三年改屬零陵郡武德四年屬賀州萌渚嶠在縣北一百三十里卽五嶺之第四嶺也按今縣與道州江華縣分界于此嶠之上

錫冶三

桂嶺縣

下西南至州八十二里

本漢臨賀縣之地吳分置建興縣屬臨賀郡晉改爲興

元和郡縣志

卷三十六

八

安縣隋開皇十八年改爲桂嶺縣屬連州因界內桂嶺爲名武德四年改屬賀州

桂嶺在縣東十五里

程國在縣東南一百二十里

朝岡在縣東北四十五里並有鐵鉏自隋至今採取

蕩山縣

下東至州一百七十二里

蕭梁于此立縣隋大業二年省武德四年復置

案地理志

天寶後置與此異

蕩山在縣西七里



富川縣 下東南至州一百四十五里

本漢舊縣屬蒼梧郡吳屬臨賀郡隋屬桂州武德四年

改屬賀州

鍾乳穴三

靈溪水今名富水去縣西二里

昭州 平樂下

開元戶七千三百七十八 鄉七十一  
元和戶一千五百七十八 鄉七

本漢之蒼梧郡富川縣地也吳甘露元年分富川縣置

平樂縣屬始安郡至隋不改武德四年于縣置樂州貞

元和郡縣志 卷三十六 九

觀八年改樂州為昭州取境內昭潭為名 案昭潭舊唐書作昭岡潭

州境 東至賀川三百七十三里  
西至上都三千九百三十五里  
南至東都三千六百七十五里

八到 北至東都三千六百七十五里

東至賀川三百里  
東南水路至富州百六十里

東北至過嶺至道州四百里  
西北至桂州二百里  
西路三百里

北過嶺至永州六百里

貢賦 開元貢銀三十兩  
元和貢銀二十兩

管縣三

平樂 恭城 永平

平樂縣 下郭下

本漢富川縣地吳于此置平樂縣取平樂溪為名案唐書地

理志武德四年析置沙亭縣貞觀七年省

目巖山在縣北三十八里巖有兩孔相對如人目瞳子

白黑分明因號為目巖

縈山在縣南十里山有木客

縣東三十一里有陽里穴那溪穴新穴皆出鍾乳

平樂溪在縣南三里水之西岸有昭潭周迴一里其深

不測

元和郡縣志 卷三十六 十

恭城縣 下西南至州九十里

武德四年析平樂縣置

銀殿山其下有鍾乳穴十二所在縣東二十八里

平樂水西去縣二百步

永平縣 下西南至州九十

證聖元年割平樂縣永平鄉置因鄉為名縣南臨永平

水西流入平樂縣界

象州 象郡下

開元戶三千二百九十 元和戶二百二十二 案鄉十數傳寫缺

漢平南越置鬱林郡今州卽鬱林郡中留潭中二縣地

也案漢書中留後漢書郡國志宋書州郡志竝作中溜惟前漢書作中留而顏師古注曰留音力救反水名則音

義實同隋開皇十一年廢二縣以潭中縣為桂林縣仍于

桂林置象州大業二年廢象州以桂林縣屬桂州武德

四年平蕭銑析桂林立武德縣仍于縣治重置象州取

界內象山為名

州境案州境里數傳寫缺

八到北至上都四千二百二十五里東北至東都三千九百六十五里

東至康州陸路一百九十里東南至潯州二百一十里

元和郡縣志

卷三十六

十一

西至柳州一百六十里西南至嚴州二百八十里

貢賦開元貢銀二十兩

管縣三

陽壽 武仙 武化

陽壽縣下郭下

本漢中留縣之地也隋開皇十一年廢中留縣入桂林

縣又析桂林置陽壽縣屬象州

象山在縣西北三里

陽水南去縣二十步

武仙縣 下西北至州一百二十里

武德四年析桂州建陵縣南置

武化縣 下西南至州六十五里

武德四年析桂州建陵縣之南界置屬晏州貞觀十二

年廢晏州改屬象州

柳州 龍城下

開元戶一千二百八十七 鄉九十四  
元和戶一千二百八十七 鄉九十四

本漢鬱林郡潭中縣之地迄陳不改隋開皇十一年改

潭中為桂林縣仍析桂林為馬平縣屬象州隋末陷賊

元和郡縣志 卷三十六 十二

武德四年平蕭銑于此置昆州又改為南昆州貞觀八

年改為柳州因柳江為名

州境 案州境里數傳寫缺

八到 北至上都四千二百四十五里  
東北至東都四千一百四十五里

東至桂州五百四十里  
東至象州一百六十里

北至融州陸路一百二十三里水路三百八十里

貢賦 開元貢銀二十兩

管縣五

馬平 龍城 洛容 洛封 象

馬平縣 下郭下

隋開皇十一年析桂林縣置屬象州貞觀屬柳州

潭水東去縣二百步

柳江在縣南三十步

龍城縣 下東南至州八十八里

隋開皇十年析桂林縣置 案隋書地理志云梁置與此異

潭水在縣西十里

龍溪水經縣南八潭水

洛容縣 下東南至州一百二十里

元和郡縣志 卷三十六 十三

永徽中置屬嚴州天授二年割屬柳州

洛封縣 下東南至州一百七十里

本烏蠻所住村名乾封二年招慰蠻戶因為縣

象縣 下西南至州六十五里

陳于今縣南四十五里置象郡隋開皇九年廢郡為縣

案舊唐書云貞觀中置與此異 龍朔三年為賊所蕪乾封二年復置總

章元年割屬柳州

嚴州 循德下

開元戶一千六百六十 元和戶一千六百六十 鄉四十四

本漢鬱林郡中留縣之地乾封二年于廢昆州樂沙縣置嚴州仍改樂沙縣爲懷義縣州城南枕大江當桂州往邕州之路在嚴岡之上因爲名

州境東西南北一千八百四十一里

八到北至上東都四千四百五十里

南至澄州二百九十六里

西南至賓州一百九十六里

東北至柳州陸路二百里

貢賦開元貢銀

管縣二

元和郡縣志

卷三十六

循德 來賓

循德縣下郭下

武德四年析桂林立陽德縣其年又改名循德縣唐書舊

云改歸德爲修德與此陽德循德竝有異本屬柳州永徽初割入嚴州仍爲

州理案之案爲案州理必非永徽初此蓋有訛脫字句

古郎山在縣西四十里

都泥江南去州一里

來賓縣下東至州二百里

本樂沙縣也乾封二年爲懷義縣天寶二年改曰來賓

在都泥北來賓水東故以為名

融州 融水下

開元戶二千七百七  
元和戶二百四十二 鄉七  
鄉五

本漢鬱林郡潭中縣地也自漢迄宋不改蕭齊于此置

齊熙郡梁大同中又于郡置東寧州隋開皇十一年改

為融州廢齊熙郡為義熙縣大業二年州廢武德四年

平蕭銑于義熙縣復置融州因州界內融山為名

州境 東四百四十七里  
西四百九十七里  
南四百九十七里

八到 北至上都四千九百九十五里  
東北至東都三千九百三十五里

元和郡縣志 **卷三十六** 十五

東至桂州四百九十五里  
南至柳州水路三百八十里陸路二百三十里

貢賦 開元貢黃藤二兩防風二十五斤  
元和貢金二兩桂

管縣二

融水 武陽

融水縣 下郭下

隋開皇十一年改齊熙郡為義熙縣屬融州武德六年

改為融水

銅鼓山在縣西南二十五里

融溪水在縣北五十二里

武陽縣 下東北至州八十里

隋開皇十一年析義熙縣置臨牂縣永徽元年廢入融

水龍朔二年重置改爲武陽 案唐書地理志天寶初併

異

武陽溪水在縣東十里

龔州 臨江下

開元戶二千四百二十  
元和戶二百七十六 鄉十五

古越地也漢平南越置蒼梧郡今州卽蒼梧郡猛陸縣  
之地晉分猛陸置永平郡又爲永平郡之武林縣地也

元和郡縣志 卷三十六 十六

貞觀三年于此置鸞州七年移鸞州于今州東六十五

里于鸞州舊理置龔州都督府因龔江以爲名也

州境 案州境里數傳寫缺

八到 西北至上都取梧桂路四十五里  
西北至東都四千三百一十五里

東至藤州一百七十四里  
南至繡州一百七十四里

西南至潯州一百三十里  
北至象州三百一十里

正北微東至蒙州二百三十里

貢賦 開元貢銀二十兩

管縣五



平南 武林 隋建 大同 陽川

平南縣 下郭下

本漢猛陵縣地貞觀七年于此置平南縣屬龔州

鷲石山在縣東南十里


龔江一名潯江亦名都泥江在縣南五十步

武林縣 下西北至州二十五里

本漢猛陵縣地宋元嘉二年置武林縣屬永平郡隋屬

藤州貞觀七年割屬龔州

潯江東南去縣十五里

元和郡縣志  卷三十六 十七

隋建縣 下西至州八十里

隋開皇十九年分武林縣置屬藤州貞觀七年割屬龔州

盧越水在縣東南一百一十步

大同縣 下南至州七十五里

本漢鬱林郡布山縣之地也貞觀七年于此置大同縣屬龔州

花憐水在縣東北二十步

陽川縣 下東南至州四十里

本漢布山縣地貞觀七年于此置西平縣屬龔州天寶元年改爲陽川

仙人山在縣東北三十里

潯江南去縣三十五里

富州 開江下

開元戶二千三百一十六  
元和戶二百四十三

鄉四  
鄉四

禹貢荊州之域漢平南越置蒼梧郡今州卽漢蒼梧郡之臨賀縣地也梁武帝分臨賀郡置南靜郡隋開皇中廢武德五年重置靜州貞觀八年改爲富州因富川水

元和郡縣志

卷三十六

十八

爲名也

州境 東西北西一百七十六里

八到 西北至東都三千八百九十五里

東南沿流至梧州三百二十里

西北至蒙州九十里

貢賦 開元貢 斑布五疋 銀

管縣三

龍平 開江 思勤

龍平縣 下郭下

本漢臨賀縣地也梁于此立南靜郡隋開皇十一年廢以龍平縣屬桂州貞觀八年改置富州縣割屬焉

灘水東去縣二十一步

富川水經縣南又東八灘水

開江縣 下北至州一百里

本漢猛陵縣地梁于此置開江郡隋開皇十年罷郡為縣以屬靜州大業二年廢武德五年復置屬梧州神龍元年割屬富州

桂江在縣西二里

元和郡縣志 **卷三十六** 十九

思勤縣 下南至州一百四十里

聖歷元年分龍平縣置 案唐書地理志天寶後置與此異 二年于縣置

武安州開元二年廢以縣屬富州

富川水在縣東五十步南流

印岡山在縣北四十五里

蒙州 蒙山下

開元戶一千六百三十七 鄉七  
元和戶二百七十二 鄉七

本漢蒼梧郡地今州即漢蒼梧郡之荔浦縣也隋開皇十年分置隋化縣屬桂州武德五年于此置南恭州貞

觀八年改爲蒙州因蒙水以爲名

州境

案州境里數傳寫缺

八到

北至上都四千五百九十二里  
東都三千七百九十二里

東至富州九十五里  
南至龔州三百五十里

西南至象浦縣三百五十里  
西北至荔浦縣八百五十里

北至桂州三百四十七里

貢賦

開元貢 麩金

管縣三

立山 正義 東區

元和郡縣志

卷三十六

二十

立山縣

下郭下

本開皇十年分荔浦置隋化縣屬桂州武德五年置立

山縣屬荔州改屬蒙州

蒙水舊名涇水在縣北二里

正義縣

下東南至州三百里

武德五年分荔浦縣置屬荔州改屬蒙州

蒙水在縣南四里

乳穴二

東區縣

下西北至州八十里

武德五年分荔浦縣置

涇水西北去縣三十五里

葛峩鎮在縣城內

思唐州 武郎下

元開元戶六十一鄉二

永崇二年 案 後因避明皇諱改隆為崇 號 前桂州司馬夏

侯處廉奏割龔蒙象三州置開元二十四年奏為羈縻

州建中元年升為正州額

州境 案 州境里數傳寫缺

元和郡縣志

卷三十六

二十一

八到 東北至上都四千二百一十五里

東至富州三百五十里

南至龔州一百四十里

西至象州一百八十里

貢賦 開元貢銀一十兩

管縣二 武郎 平原

武郎縣 下郭下

與州同時置前臨馳禮江

唐嶺在縣西南四十里與平原分界

平原縣 下東北至州八十里

與州同時置前臨思洪江

元和郡縣志

卷三十六

二十二

元和郡縣志卷三十六